

Жол – көлік колледжі
Қамқоршылық кеңесінің кезекті отырысы

Хаттама № 3

21.10.2022ж. Шымкент қаласы

Төраға: Х.А.Сарсенов

Хатшы: Г.С.Тажибекова

Қатысқандар: қамқоршылық кеңес мүшелері, колледж директоры Г.Ү.Искакова және директор орынбасарлары

Күн тәртібі:

1. 2022-2023 оқу жылында білім беру ұйымында атқарылатын іс-шаралар жоспарымен танысу. *Жауапты: Білім беру ұйымының басшысы Г.Ү.Искакова*
2. Жетім балаларды, қамқорлықтағы және аз қамтылған отбасынан шыққан балалар, сонымен қатар девиантты мінез-құлықты (тәуекелге бейім) білім алушылар туралы ақпараттық есеп. *Жауапты: Білім беру ұйымының педагог-психологі Т.Мұса, әлеуметтік педагогі Ж.Қуанышбекова*
3. Колледждегі тәрбие бағыты бойынша ағымдағы және жоспарға сәйкес атқарылған жұмыстар және ата-аналардың бала тәрбиесіндегі құқықтық және психологиялық біліктілігін жетілдіру мақсатында іс-шаралар ұйымдастыру мәселесі
Жауапты: Директордың тәрбие ісі жөніндегі орынбасары Б.Р.Ешимов
4. Білім ордасында оқу-тәрбие жұмысын жан-жақты бақылауда ата-аналар мен колледж арасындағы байланысты күшейту, оқу процесімен жақын таныстыру мақсатында өткізіліп жатқан іс-шаралар туралы *Жауапты: Қамқоршылық кеңес мүшесі, ата-ана С.Абусейітова*
5. Бітіруші топтардың дипломдық жобаларын қорғау нәтижесі және олардың жұмысқа орналасуы туралы мәліметпен танысу. *Жауапты: Директордың оқу ісі жөніндегі орынбасары А.Б.Ақмұлдаев*
6. Өр түрлі мәселелер.

I. Тыңдалды:

Қамқоршылық кеңесінің төрағасы Х.А.Сарсенов кеңестің отырысын ашық деп жариялап, күн тәртібіндегі мәселелер бойынша уақыт регламентін белгіледі және күн тәртібіндегі бірінші мәселе бойынша білім беру ұйымының басшысы Г.Ү.Искаковаға сөз берді.

1.1.Тыңдалды: Күн тәртібіндегі бірінші мәселе бойынша білім беру ұйымының басшысы Г.Ү.Искакова колледждің жұмыс жоспарына сәйкес, атқарылған жұмыстардың орындалу барысын айта келе, алда атқарылатын жұмыстарға тоқталды. Барлық мамандықтар бойынша өндірістік және диплом алдындағы практикаларды өту үшін кәсіпорындармен келісім-шарттар түзу жұмыстарын жалғастыру, «Дуальді оқытуда кәсіпорындардағы тәлімгерлердің ролі» тақырыбында дөңгелек үстел өткізу, колледж автомобильдерін 2023 жылға техникалық байқаудан өткізу және дайындау, колледжішілік «Кәсіп үздігі – 2023» байқауын өткізіп, жоғары нәтиже көрсеткен байқау жеңімпазын халықаралық ТЖКБ мамандықтары бойынша өткізілетін «WorldSkills» чемпионатына қатыстыру, кредиттік-модульдік оқытуға сәйкес, барлық мамандықтар бойынша практикалардың барлық түрінен жұмыс бағдарламаларын түзу, барлық пәндер бойынша үйірме жұмыстарын жүргізіп, сәуір айының 24-28 күндері қорытындысы ретінде апталығын өткізу, «Жылдың үздік оқытушысы», «Таным-өнер-спорт», Жылдың үздік

циклдік комиссиясы» тағы басқа да байқауларын ұйымдастыру жоспарланып отырғанын айтты. (Баяндама қосымша тіркелді)

2.Тыңдалды: Күн тәртібіндегі келесі мәселе - жетім балаларды, қамқорлықтағы және аз қамтылған отбасынан шыққан балалар, сонымен қатар девиантты мінез-құлықты (тәуекелге бейім) білім алушылар туралы ақпараттық есеп туралы колледждің әлеуметтік педагогі Ж.Қуанышбекова сөз алып, «Әлеуметтік көмек көрсетілетін азаматтарға әлеуметтік көмектің мөлшерін, көздері мен түрлерін және оны беру қағидаларын бекіту туралы» ҚР Үкіметінің 2012 жылғы 12 наурыздағы № 320 қаулысына сәйкес, екінші жарты жылдыққа колледж бойынша әлеуметтік көмек қажет ететін оқушылардың тізімін жасақталғанын айтып, төмендегі мәліметтермен арнайы слайд арқылы таныстырып өтті. 2022-2023 оқу жылы бойынша:

| Көп балалы отбасынан шыққандар | 554 оқушы |
|--|-----------|
| Аз қамтылған және толық емес отбасының шыққандар | 70 оқушы |
| Жетім балалар | 21 оқушы |
| Қамқоршысы бар | 19 оқушы |
| Жас өспірімдер үйінде | 2 оқушы |
| Барлығы | 666 оқушы |

Сонымен қатар жетім балаларға берілетін әлеуметтік көмек түрлеріне де тоқталып өтті.

| Жетім балаларға | көлемі |
|-------------------------------------|--------------------|
| Ыстық тамаққа күндігіне (тұл жетім) | 1 523 теңге |
| Ыстық тамаққа күндігіне | 609 теңге |
| Қыстық киіміне | 95 559 теңге |
| Киім-кешек бітіруші жетімдерге | 246 995 теңге |
| Бітіруші түлектерге жәрдем ақы | 4 МРП 12 252 теңге |

2.1.Тыңдалды: Колледждің педагог-психологі Т.Мұса:

2022-2023 оқу жылында қабылданған білім алушылармен танысу топ сағаттарында жүргізілгенін, танысу барысында құқық бұзушылық әрекет жасаған бір студент "Қиын" және "Қиынға бейім" балалар санатына есепке алынғанын, студентпен әуелі әңгімелесу әдісі, сонан соң сауалнама, тест, психологиялық әдістемелер жүргізілгенін, әр әдістеме жүргізу барысында жаман қасиеттің салдары неге алып баратындығы жайлы психокоррекциялық жұмыстар жүргізілгенін, сонымен қатар, топ жетекшілерімен байланыс орнату арқылы өмірлік қиын жағдайға тап болған тоғыз студентті "Тәуекел тобына" есепке алғаны жөнінде баяндады.

Сонымен қатар колледждің әлеуметтік педагогі Ж.Қуанышбекова мен педагог-психолог Т.Мұса қамқорлықтағы оқушылардың отбасылық және тұрмыс жағдайымен танысу мақсатында тұрғылықты мекен-жайларына барып, әлеуметтік жағдайымен танысып қайтқандары жөнінде айтып өтті.

3.Тыңдалды: Күн тәртібіндегі үшінші мәселе бойынша директордың тәрбие ісі жөніндегі орынбасары Б.Р.Ешимов:

Колледждегі тәрбие бағыты бойынша ағымдағы және жоспарға сәйкес атқарылған жұмыстар және ата-аналардың бала тәрбиесіндегі құқықтық және психологиялық біліктілігін жетілдіру

мақсатында ұйымдастырылатын іс-шараларға тоқталып өтті. Тәрбие жұмысының табысты болуының басты кепілі - колледж бен ата-ана арасындағы ынтымақтастық қарым-қатынас екенін, отбасы мен білім мекемелері мамандарының бірлесіп әрекеттесу негізінде өзара мүдделілік, бір-біріне сенімділік, қолдау мен көмек көрсету, шыдамдылық пен бір-біріне төзе білу принципі болу керектігін, қазіргі кезде оқушылардың тәрбие ісін әрі қарай жетілдіру отбасы мен колледждің бірлескен жұмысын дамыта және нығайта түсу арқылы жүзеге асатынын, отбасы мен колледждің немесе топ жетекші мен ата-ананың бірлесіп жасаған жұмыс нәтижесінде жаңашыл, шығармашыл, жан-жақты мәдениетті, саяси сауатты жеке тұлға қалыптастырылатынын, осыған байланысты 2022-2023 оқу жылына арналған тәрбие жұмысының жоспарында көрсетілген барлық іс-шаралар өз мерзімінде жүргізіліп жатқанын айтып өтті. *(Баяндама қосымша тіркелді)*

4.Тыңдалды: Қамқоршылық кеңес мүшесі, ата-ана С.Абусейітова: Білім ордасында оқу-тәрбие жұмысын жан-жақты бақылауда ата-аналар мен колледж арасындағы байланысты күшейту, оқу процесімен жақын таныстыру мақсатында өткізіліп жатқан іс-шаралар туралы айта келе, жалпы колледжде оқу-тәрбие процесі жоғары деңгейде жүргізіліп, барлық іс-шаралар арнайы жоспарға сәйкес өткізілетінін, биылғы жылдың алғашқы ата-аналар жиналысы 30 қыркүйек күні өткенін, жиналыста білім беру ұйымының басшысы Гүлзат Үкібайқызы 2022-2023 оқу жылында қабылданған оқушыларды студент болуымен құттықтап, ата-аналарды бөлім менгерушілерімен, колледж психологімен, әлеуметтік педагогімен таныстырғанын, ата-аналарды балалардың тәрбиесіне жауапкершілікпен қарауға шақырғанын айтты. Сонымен қатар тәрбие жоспарына сәйкес, апта сайын түрлі тақырыпта тәрбие сағаттары өткізілетінін, бұндай тәрбие сағаттарының студенттерге берері көп екенін, сонымен қатар білім алушылардың ата-аналарымен бірлесіп бірнеше іс-шаралар өткізілгенін, «1 Қазан – Қарттар күніне» орай «Ардагерлерді ардақтайық» іс-шарасы аясында колледж айналасында тұратын жалғызділікті қарттардың үйіне барып, студенттер аулаларын тазалап, өз көмектерін тигізіп қайтқанын, бұдан да басқа колледжішілік жарыстар, тренингтер, спорттық турнирлер, дебат үздіксіз өтіп жататынын, студенттерер музейге, жастар ресурстық орталығының ұйымдастыруымен түрлі іс-шараларға қатысатынын, бұның барлығы фейсбук желісіне үздіксіз жарияланып отыратынын, топ жетекшілер барлық атқарылған жұмыстар бойынша есеп беріп, ата-аналарды хабардар етіп отыратынын, бұл атқарылып жатқан жұмыстар колледж директоры Гүлзат Үкібайқызының үлкен жауапкершілігі мен талапшылдығының және жоғары деңгейде ұйымдастырушылық қабілетінің арқасында сәттілігін айта келе, колледж ұжымы алдағы уақытта да үлкен биіктерден көрісетініне сенім білдіретінін айтып, колледж ұжымына, ұстаздарына өз алғысын білдірді.

5.Тыңдалды: Күн тәртібіндегі келесі мәселе бойынша директордың оқу ісі жөніндегі орынбасары А.Б.Акмұлдаев: 2021-2022 оқу жылында жалпы 319 студент бітіргенін, оның біреуі белгісіз себептермен дипломдық жоба қорғауға келмегенін, колледжбен байланысын үзгеннен кейін оқудан шығарылғанын, қалған 318 бітіруші түлек диплом жобаларын қорғап, мемлекеттік үлгідегі диплом алғанын айтып өтті. Сонымен қатар «Азаматтарға арналған үкімет» Мемлекеттік Корпорациясы» коммерциялық емес Акционерлік қоғамының Шымкент қаласы бойынша филиалының берген ақпаратына сәйкес, 2022 жылы колледжді бітірген түлектердің 83% -ы жұмысқа орналасқандығы туралы мәлімет алынғанын айтты.

6.Тыңдалды:









Қамқоршылық кеңесінің төрағасы Х.А.Сарсенов күн тәртібіндегі әр түрлі мәселелер бойынша Қамқоршылық кеңестің мүшелеріне Қамқоршылық кеңестің 2022 жылға арналған жұмыс жоспарында көрсетілген бағыттар мен алға қойған мақсаттар негізінде барлық өткізілетін іс-шараларға үлкен жауапкершілікпен қарап, өткізу қажеттігіне тоқтала келе, кеңес жұмысы жыл бойы үздіксіз жүргізілетінін айтты.

Шешім:

1. Қамқоршылық кеңес мәжілісінде айтылған барлық мәселелер ескерілсін.
2. Білім беру ұйымы басшысының жасаған баяндамасы ескерілсін.

3. Директордың тәрбие ісі жөніндегі орынбасары Б.Р.Ешимовтың жасаған баяндамасы ескерілсін және тәрбие процесіне қатысты бала тәрбиесіндегі құқықтық және психологиялық біліктілігін жетілдіру мақсатында ұйымдастырылатын іс-шаралар жоспарға сәйкес жүргізілсін. *Жауапкершілік директордың тәрбие ісі жөніндегі орынбасарына жүктелсін.*
4. Білім беру ұйымы әлеуметтік педагогі жасаған мәліметі негізінде әлеуметтік жағдайы төмен білім алушының білім алуы мен тұрмыстық жағдайы үнемі бақылауға алынсын. *Жауапкершілік білім беру ұйымының басшысына жүктелсін.*
5. Бітіруші түлектердің практикалық дағдыларын сапалы және кешенді бағалауға бағытталған демонстрациялық емтихандардың талапқа сай жүргізілуі қадағалансын және оқу жылы соңында жұмыспен қамтылуы туралы мәліметтер берілсін. *Жауапкершілік білім беру ұйымының басшысына жүктелсін.*
6. Қамқоршылық кеңестің 2022 жылға арналған жұмыс жоспарында көрсетілген бағыттар өз деңгейінде жүргізілсін. *Жауапкершілік Қамқоршылық кеңес төрағасы мен мүшелеріне жүктелсін.*

Қамқоршылық кеңесінің мүшелері:

1. Арғынғазиев Бауыржан Батырғазыұлы 
2. Қамбар Жани Сайдуллаұлы 
3. Жүсіпбек Бағдат Жәнібекұлы 
4. Баймұратов Мусирали Нуранбаевич 
5. Тулеева Салтанат Амирхановна 
6. Абусентова Самал Бурхановна 
7. Абдыхалилова Мукаддам Пардасвна 
8. Дабылова Марал Алдабергенқызы 

Мәжіліс төрағасы



Х.А.Сарсенов

Хатшы:



Г.С.Тажобекова